

四庫全書

集部

欽定四庫全書

集部

御定全唐詩卷三百八十五

詳校官庶吉士_臣胡鈺

主事銜_臣徐以坤覆勘

總校官知縣_臣繆璜

校對官學正_臣李巖

騰錄監生_臣李元位

欽定四庫全書

御定全唐詩卷三百八十五

張籍

送裴相公赴鎮太原

盛德雄名遠近知，功高先乞守藩維。
銜恩暫一作遣分

龍節署勅還同在，鳳池天子親臨樓。
上送朝官齊出道

傍辭明年塞北清，一作蕃落應建一作生祠請立碑

寄元員外

外郎直罷無餘事掃灑書堂試

一作對

藥爐門巷不教當

要開

一作鬧市

詩篇轉覺足工夫月明臺上唯僧到夜靜坊

中有酒沽朝省入頻閒日少可能同作舊遊無

贈梅處士

早聞聲價滿京城頭白江湖放曠情講易自傳新註義
題詩不著舊官名近移馬跡山前住多向牛頭寺裏行
天子如今議封禪應將束帛請先生

贈王祕書

不曾浪出謁公侯，唯向花間水畔遊。
一作新衣一作

泉看藥竈多收古器，在書樓有官祇作山人。
老平地能

開洞穴幽，自領閒司了無事。得來君處，喜相留。

謝裴司空寄馬

一作蒙裴相公賜馬謹以詩謝

騷耳新駒駿得

一作已有

名司空遠自

一作自選

寄書生乍離華

廐，移蹄澀。初到貧家，舉眼驚。每被閒人來借問，多

一作惟

尋古寺獨騎行。長思歲旦沙堤上，得從鳴珂傍火城。

酬祕書王丞見寄

一作酬王祕書閒居見寄

相看頭白來城闕，却憶漳溪舊往還。今體詩中偏出格，
常叅官裏每同班。街西借宅多臨一作鄰水，馬上逢人亦
說山。芸閣水曹雖最冷，與君長喜得身閒。

送李餘及第後歸蜀

十年人詠好詩章，今日成名出舉場。歸去唯將新誥牒，
後來爭取舊衣裳。山橋曉上芭蕉一作蕉花，暗水店晴看芋。
草黃鄉里親情相見日，一時攜酒賀高堂。

早朝寄白舍人嚴郎中

鼓聲初動未聞雞
羸馬街中踏凍泥
燭暗有時衝石柱
雪深無處認沙堤
常忝班裏人猶少
待漏房前月欲西

鳳闕星郎離

一作離

去遠閣門開日

一作處

入還齊

書懷寄元郎中

轉覺人間無氣味
常因身外省因緣
經過獨愛遊山客
計校唯求買藥錢
重作學官閒盡日
一離江塢病多年
吟君釣客詞中說
便欲南歸榜小船

贈道士宜師

一作贈廣宣師

自到王

一作皇

城得幾年巴童蜀馬共隨緣兩朝侍從當

時貴五字聲名遠處傳

一作因

住紅樓通內苑新承墨

詔賜齋錢閒房

一作坊

暫喜居相近還得陪師坐竹邊

書懷寄王祕書

白髮如今欲滿頭從來

一作前

百事

一作計

盡應休祇

一作惟

於觸目

一作事

須防病不擬將心更養愁下藥遠求新熟

酒看山多上最高樓賴君同在京城住

一作華內

每到花前

免獨遊

題韋郎中新亭

起得幽亭景復新，碧沙地上更無塵。
琴書著盡猶嫌少，松竹栽多亦一作不稱貧。
藥酒欲開期好客，朝衣暫脫見閒身。
成名同日官連署，此處經過有幾人。

送揚州判官

一作贈茅山楊判官

應得烟霞出俗心，茅山道士共追尋。
閒憐鶴貌偏能畫，暗辨桐聲自作琴。
長嘯每來松下坐，新詩堪向雪中吟。
征南幕裏多賓客，君獨相知最校深。

喜王起侍郎放牒

一作榜

東風節氣

一作時節

近清明車馬爭來滿禁城二十八人初

上牒百千萬里盡傳名誰家不借花園看在處多將酒

器行共賀春司能鑒識今年定合有公卿

贈王司馬

白笏朱衫年少時久登班列會朝儀貯財不省關身用
行義唯愁被衆知藏得寶刀求主帶調成駿馬乞人騎
未曾相識多聞說遙望長如白玉

一作玉樹枝

書懷

自小信

一作習

成踈懶性人間事事總無功別從仙客求

方法時到僧家問苦空老大登朝如夢裏貧窮作活似
村中未能即便休官去慚媿南山採藥翁

贈令狐

一本此下有巨源二字

博士

頭白新年六十餘近聞生計轉空虛久為博士誰能識
自到長安賃舍居騎馬出隨尋寺客呼兒散寫乞錢書
古來賢哲皆如此應是才高與衆

一作世踈

送從弟刪

一作形

東歸

雲水東南兩月程
貪歸慶節馬蹄輕
春橋欲醉攀花別
野路閒吟觸雨行
詩價已高猶失意
禮司曾賞會成名
舊山風月知應好
莫向一作過秋時不到京

贈王祕書

早在山東聲價遠
曾將順一作奇

奇

策佐嫖姚賦
來詩句無

閒語老去官班未
在朝身屈祇聞詞客說家

一作語

貧多

見野僧招獨從書閣歸
時晚春水渠邊看柳條

哭丘長史

曾是先皇殿上臣

砂久服

一作別不成真常騎馬在嘶

空櫪自作書留別故人詩句徧傳天下口朝衣徧

一作長

送地中身最悲昨日同遊處看却春

一作東

風樹樹

一作處

新

送枝江劉明府

老著青衫為楚宰平生志業有誰知
家僮從去愁行遠
縣吏迎來怪到遲
定訪玉泉幽院宿
應過碧澗早茶時

向南漸漸雲山好一路唯一作遙一作聞唱竹枝

送從弟徹東歸

緱山領印知公奏才稱同時盡不如奉使賀成登冊禮
陪班看出降恩書去迴一作迴在路一作迴秋塵裏受詔辭歸
曉漏初早晚得為朝署拜閒坊買宅作鄰居

哭胡十八遇

早得聲名年尚少尋常一作思志氣出風塵文場繼續成

三代家族一作世輝華在一身幼子見生一作存才滿月選

書知寫未呈人送君帳下衣裳白數尺墳頭栢樹新

贈賈島

籬落荒涼僮僕飢樂遊原上住多時蹇驢放飽騎將出
去一作秋卷裝成寄與誰拄杖傍田尋野菜封書乞米趨

時一作朝炊姓名未上登科記身屈惟應內史知

逢王建有贈

年狀皆齊初有髭鵲山漳水每追隨使君座下朝聽思
處士庭中夜會詩新作句成相借問閒求義盡共尋思

經今三十餘年事却說還同昨日時

移居靜安坊答元八郎中

長安寺裏多時住雖守卑官不苦

一作厭

貧作活每常嫌

費力移居祇是貴容身初開井淺偏宜樹漸覺街閒省
踏塵更喜往還相去近門前減却送書人

送楊少尹赴鳳翔

詩名往日動長安首首人家卷裏看西學已行秦博士
南宮新拜漢郎官得錢祇了還書鋪借宅常時事藥欄

今去岐州生計薄移居偏近隴頭寒

送韓侍御歸山

聞君久卧在雲間為佐嫖姚未得還
新結茆廬招隱逸
一作客獨騎驄馬入深山
九靈洞口行應到五粒松枝醉
亦攀明日珂聲出城去家僮不復埽柴關

新除水曹郎答白舍人見賀

年過五十到南宮章句無名荷至公
黃紙開呈相府後
朱衣引入謝班中
諸曹縱許為仙侶羣吏多嫌是老翁

最幸

一作幸有

紫薇郎見愛獨稱官與古人同

送楊少尹赴滿

一作蒲

城

官為本府當身榮因得還鄉任野情自廢田園今作主

每逢耆老不呼名舊遊寺裏僧應識新別橋邊樹已

一作

亦

成公事況

一作多

閒詩更好將隨

一作誰

相逐

一作送

上山

行

哭元九少府

一作尹

平生志業獨相知早結雲山老去期初作學官常共

一作

對宿晚登朝列暫同時閒來各數經過地醉後齊吟唱
和詩今日春風花滿宅

一作院

入門行哭見靈帷

送侯判官赴廣州從軍

一作事

年少才高求自展將身萬里赴軍門
辟書遠到開呈客
公服新成著謝恩
驛舫過江分白堠
戍亭

一作樓

當嶺見

紅旂海花蠻草連
冬有行處無家不滿園

答白杭州郡樓登望畫圖見寄

畫得江城登望處
寄來今日到長安
乍驚物色從詩出

更想工人下手難將展書堂偏覺好每來朝客盡求看
見君向此閒吟意肯恨當時作外官

贈趙將軍

當年膽略已縱橫每見妖星氣不平身貴早登龍尾道
功高自破鹿頭城尋常得對論邊事委曲承恩掌內兵
會取安西將報國凌煙閣上大

一作
書名

送和蕃公主

塞上如今無戰塵漢家公主出和親邑司猶屬宗卿寺

冊號還同虜帳人
九姓旗旛先引路
一生衣服盡隨身
羶城南望無迴日
空見沙蓬水柳春

寒食內宴二首

朝光瑞氣滿宮樓
綵繡魚龍四面稠
廊下御厨分冷食
殿前香騎逐飛球
千官盡醉猶教坐
百戲皆呈未放休

共喜

一作起

拜恩侵夜出金吾
不敢問行

一作來

由

城闕沈沈向曉寒
恩當令節賜餘歡
瑞烟深一作八處開

三殿春雨微時引
百官寶樹樓前分繡

一作翠

幙綵花廊

下暎華

一作朱

欄宮筵戲樂年年別已得三迴對御看

朝日勅賜百官櫻桃

仙果人間都未有今朝忽見下天門捧盤小吏初宣勅

當殿羣臣共拜恩日色遙分門

一作廊

下坐露香才出禁

中國每年重此先偏待

一作長先熟

願得千春奉至尊

太白

一作山

老人

日觀東峰

一作南一作邊

幽客住竹巾藤帶亦逢迎暗修黃籙

無人見深種胡麻共犬行洞裏仙家常獨往壺中靈藥

自為名春泉四面遶茅屋日月唯聞杵臼聲

和裴司空酬滿

一作蒲

城楊少尹

聖朝偏重大司空人詠元和第一功擁節高臨漢水上
題詩遠入舜城中共驚向老多年別更憶登科舊日同
誰不望歸丞相府江邊楊柳又秋風

寄和州劉使君

別離已久猶為郡閒向春風倒酒鉞送客特

一作將過
一作時

沙口堰看花多上水心亭曉來江氣連城白雨後山光

滿郭青到此詩情應更遠醉中高詠有誰聽

贈商州王使君

銜命南來會郡堂却思朝裏接班行才雄猶是山城守
道薄初為水部郎選勝相留開客館尋幽更引到僧房
明朝從此辭君去獨出商關路漸長

寄令狐賓客

勲名盡得國家

一作東

傳退狎琴僧與酒仙還帶郡符經

幾處暫辭台座已三年留司未到龍樓下拜表長懷玉

案前秋日出城伊水好領誰相逐上閒船

寄梅處士

擾擾人間是與非

一作足是非

官閒自覺省心機六行班裏

身常下九列符中事亦稀市客慣曾賒賤藥家僮驚見

著新衣君今獨得居山樂應喜

一作笑

多時未辦歸

送施肩吾東歸

知君本是烟霞客被薦因來城闕間世業偏臨七里瀨
仙遊多在四明山早聞詩句傳人徧新得科名到處閒

惆悵灞亭相送去雲中琪樹不同攀

崑崙兒

崑崙家住海中州蠻客將來漢地遊
言語解教秦吉了波濤初過鬱林洲
金環欲落曾穿耳螺髻長卷不裹頭
自愛肌膚黑如漆行時半脫木綿裘

贈李杭州

仙郎白首未歸朝應為蒼生領六條
惠化州人盡清淨高情野鶴與一作共
逍遙竹間虛館無朝訟山畔青田長

夏苗終日政聲長
獨坐開門長一作唯望浙江潮

送鄭尚書赴廣州

聖朝選將持符節一作制內使一作宣時百辟聽海北蠻夷來

舞蹈嶺南封管送圖經
白鷗飛遠迎官舫紅槿開當讌
客亭此處莫言多瘴癘
天邊看取老人星

賀祕書王丞南郊攝將軍

正初天子親郊禮
詔攝將軍領衛兵
斜帶銀刀入黃道
先隨玉輅到青城
壇邊不在千官位
仗外唯聞再拜聲

共喜與君逢此日病中無計得隨一作行

送令狐尚書赴東都留守

朝廷重寄在關東共說從前選上公勲業新城大梁鎮
恩榮更守洛陽宮行香暫出天橋上巡禮常過禁殿中

每領羣臣拜章慶

一作表

半開門仗日曛曛

拜豐陵

歲朝園寢遣公卿學省班中亦攝行身逐陵官齊再拜
手持木鐸叩三聲寒更報點來山殿曉炬分行照栢城

却下龍門看漸遠金峰高處日微明

一作初晴

贈孔尚書

能將直道歷縈班事著元和實錄間三表自陳辭北闕
一家相送入南山買來侍女教人嫁賜得朝衣在篋間
宅近青山

一作門

高靜處時歸林下暫開關

酬杭州白使君兼寄浙東元大夫

相印暫離臨遠鎮掖垣出守復同時一行已作三年別
兩處空傳七字詩越池江山應共見秦天風月不相知

人間聚散真難料，莫歎平生信所之。

寄蘓州白二十二使君

三朝出入紫微臣，頭白金章未在身。登第早年同座主，

題詩今日是

一作異

州人。閭門柳色烟中遠，茂苑鶯聲雨

後新。此處吟詩向山寺，知君忘却曲江春。

送白賓客分司東都

赫赫聲名三十春，高情人獨出埃塵。病辭省闈歸閒地，

一作思許宮曹作上賓。詩裏難同相得伴，酒邊多見自

由身老人也擬休官去便是君家池上人

贈閻少保

辭榮戀闕未還鄉
修養年多氣力强
半俸歸燒伏火藥
全家解說養生方
特承恩詔新開戟
每見公卿不下牀
竹樹晴深寒院靜
長懸石磬在虛廊

贈別王侍御赴任陝州司馬

一作贈王司馬赴陝州

京城在處閒人少
唯共君行並馬蹄
更和詩篇名最出
時一作對傾杯酒戶常齊
同趨闕下聽鐘漏
獨向軍前聞

鼓鞞今日春明門外別更無因得到街西

田司空入朝

西來將相位

一作望

兼雄不與諸君

一作軍

覲禮同早變山

東知順命新收濟上

一作下

立殊功朝宮叙謁趨門外恩

使喧

一作宣

迎滿路中閭闔曉開

一作來

銅漏靜身當受冊

大明宮

送浙西周判官

一作送浙東
周阮範判官

由來自

一作身

是烟霞客早已聞名詩酒間天闕因將賀

表到家鄉新

一作江城應

著賜衣還常吟卷裏新酬句自話

湖中

一作邊

舊住山吳越主人偏愛重多應不肯放君閒

送吳

一作胡

鍊師歸王屋

玉陽峰下學長生玉洞仙中

一作鄉

已有名獨戴熊鬚冠

暫出唯將鶴尾扇同行煉成雲母休炊爨已得雷公當

吏兵却到瑤

一作天

壇上頭宿應聞空裏步虛聲

送邵州林使君

詞客南行寵命新瀟湘郡入曲江津山幽自足探微處

俗朴應無爭競人郭外相連排殿閣市中多半用金銀
知君不作家私計遷日還同到日貧

寄王六侍御

漸覺近來筋力少難堪今日在風塵誰能借問功名事
祇自扶持老病身貴得藥資將助道肯嫌家計不如人
洞庭已置新居處歸去安期一作期君與作鄰

送稽亭山寺僧一本無寺字

師住稽亭高處寺斜廊曲閣倚雲開山門十里松間入

泉澗三重洞裏來名岳尋遊今已徧
家城禮謁便應迴
舊房到日閒吟後林下還登說法臺

送汀州源使君

曾成趙北歸朝計因拜王門最好官
為郡暫辭雙鳳闕
全家遠過九龍灘山鄉祇有輸蕉戶
水鎮應多養鴨欄
地僻尋常來客少刺桐花發共誰看

寄孫洛陽格

一作寄洛陽孫明府

久持刑憲聲名遠好是中朝正直臣
赤縣上來應足事

青山老去未離身常思從省連歸馬乍覺同班少舊人
遙愛南橋秋日晚雨邊楊柳映天津

胡山人歸王屋因有贈

轉轉無成到白頭人間舉眼盡堪愁此生已是蹉跎去
每事應一作終從鹵莽休雖作閒官少拘束難逢勝景可

淹留君歸與訪移家處若箇峰頭

一作前

最較幽

寄虔州韓使君

南康太守負才豪五十如今未擁旄早得一人知姓字

常聞三事說功勞
月明渡口漳江靜
雲散城頭贛石高
郡政已成秋思遠
閒吟應不問官曹

送從弟濛赴饒州

京城南去鄱陽遠
風月悠悠別思勞
三領郡符新寄重
再登科第舊名高
去程江上多看堠
迎吏船中亦帶刀
到日更行清靜化
春田應不見蓬蒿

羅一作道士

城裏無人得實年
衣襟常帶臭黃烟
樓中賒酒唯留藥

洞裏爭棋不賭錢聞客語聲知貴賤持

一作對

花歌詠似

狂顛尋常行處皆逢見世上多疑是謫仙

寄陸渾趙明府

與君學省同官處常日相隨說道情新作陸渾山縣長
早知三禮甲科名郭中時有仙人住城內應多藥草生
公事稀疎來客少無妨著屐獨閒行

同將作韋二少監贈水部李郎中

舊年同是水曹郎各罷魚符自禁鄉重著青衫承詔命

齊趨紫殿異班行別來同說經過事老去相傳補養方
憶得當時亦連步如今獨在讀書堂

贈王侍御

心同野鶴與塵遠詩似冰壺見底清
府縣同趨昨日事升沉不改故人情
上陽春晚蕭蕭雨洛水寒來夜夜聲
自歎獨為折腰吏可憐驄馬路傍行

送金少卿副使歸新羅

雲鳥茫茫天畔微
向東萬里一帆飛
久為侍子承恩重

今佐使臣銜命歸通海，便應將國信到家。猶自著朝衣，從前此去人無數。光彩如君定是稀。

送李司空赴鎮襄陽

一本無赴字

中外兼權社稷臣，千官齊出拜行塵。再調公鼎勲庸盛，三受兵符寵命新。商路雪開旗旆展，一作遠楚堤梅發驛亭春。襄陽風景由來好，重與江山作主人。

送李僕射愬赴鎮鳳翔

一本無愬字

由來勲業屬英雄，兄弟連營列位同。先入賊城擒首惡，

一作惡首 盡封堯庫讓元公 旌幢獨繼家聲外 竹帛新添國

史中天子新

一作欲

收秦隴地 故教移鎮古扶風

寄白二十二舍人

早知內詔過先

一作前

輩 躡蹬江南百事疎 湓浦城中為

上佐 爐峰寺後著幽居 偏依仙法多求藥 長共僧遊不

讀書三省比來名望重 肯容君去

一作意

樂樵漁

送友人盧處士遊吳越

羨君東去見殘梅 惟有王孫獨未回 吳苑夕陽明古堞

越宮春草上高臺，波生野水雁初下。
風滿驛樓潮欲來，試問漁舟看雪浪。
幾多江燕荇花開。

蘓州江岸留別樂天

一作白居易詩題云武丘寺路宴留別諸妓

銀泥裙映錦障泥，畫舸停橈馬簇蹄。
清管曲終鸚鵡語，紅旗影動薄寒嘶。
漸消酒色朱顏淺，欲話離情翠黛低。
莫忘使君吟咏處，女墳湖北武丘西。

寒食看花

早入公門到夜歸，不因寒食少閒時。
顛狂遶樹猿離鎖，

踴躍緣岡馬斷羈酒汗衣裳從容笑醉饒言語覓花知
老來自喜常無事仰面西園得詠詩

酬浙東元尚書見寄綾素

越地繒紗紋樣新遠封來寄學曹人便令裁制為時服
頓覺光榮上病身應念此官同棄置獨能相賀更殷勤
三千里外無由見海上東風又一春

贈項斯

一作王建詩
題云贈賈島

端坐

一作
盡日

吟詩忘

一作
坐

忍飢萬人中
覓似君稀門連野

水風長到驢放秋原夜不歸日煖剩收新落葉天寒更
著舊生衣曲江亭上頻頻見為愛鷓鴣雨裏飛

御定全唐詩卷三百八十五

欽定四庫全書

御定全唐詩卷三百八十六

張籍

和韋開州盛山十二首

宿雲亭

一作寺

清淨當深處
虛明向遠開
卷簾無俗客
應只見雲來

梅溪

白愛新梅好
行尋一徑斜
不教人掃石
恐損落來花

茶嶺

紫芽連白蘂初向嶺頭生
自看家人摘尋常觸露行

流杯渠

淥酒白螺杯隨流去復回
似知人把處各向面前來

盤石磴

墨石盤

一作連

空遠層層勢不

一作更

危不知行幾匝得到

上頭時

桃塢

春塢桃花發多將野客遊日西殊未散看望酒缸頭

竹巖

獨入千竿裏緣巖踏石層笋頭齊欲出更不許人登

琵琶臺

臺上綠蘿春閒登不待人每當休暇日著履戴紗

一作
綸

巾

胡蘆沼

曲沼春流滿新蒲映野鵝閒齋朝飯後拄杖遠行多

隱月岫

月出深峰裏清涼

一作光

夜

一作夏

亦寒每嫌西落疾不得

到明看

繡衣石榻

山城無別味藥草魚魚果時到繡衣人同來石上坐

上士泉餅

一本無餅字

階上一眼泉四邊青石甃唯有護淨僧添餅將盥漱

送遠客

憔悴遠歸

一作行

客殷勤欲別杯
九星壇下路
幾日見重

來

寄西峰僧

松暗水涓涓
夜涼人未眠
西峰月猶在
遙憶草堂前

禪師

一作西
峯頂

獨在西峯頂
年年閉石房
定中無弟子
人到為焚香

惜花

山中春已晚
處處見花稀
明日來應盡
林間宿不歸

題暉

一本此下有禪字

師影堂

日早欲參禪竟無相識緣道場今獨到惆悵影堂前

涇州塞

行到涇州塞唯聞羌成鞆道邊古雙堠猶記向安西

野田

一作中

漠漠一作幕幕野田草草中牛羊道古墓無子孫白楊不得

老

岸花

可憐岸邊樹紅藥發青條東風吹渡水衝着木蘭橈

別于鵠

離燈及晨輝行人起復思出門兩相顧青山路逶迤

送蜀客

蜀客南行祭

一作
際

碧雞木綿花發錦江西山橋日晚行

人少時見猩猩樹上啼

送元結

一作
結

昔日同遊漳水邊如今重說恨綿綿天涯相見還離別

客路秋風又幾年

宿山祠

一作宮
山祠

秋草宮人

一作中

斜裏墓宮人

一作中

誰送葬來時
千千萬

萬皆如此

一作相似

家在邊城

一作城邊

亦不知

美人宮綦

紅燭臺前出翠娥
海沙鋪局巧相和
趣行移手巡收盡
數數看誰得最多

蠻州

一作杜牧詩
題云蠻中醉

瘴水蠻中入洞流，家人多住竹棚頭。
一一作青 山海上無城郭，唯見松牌記象州。

送元宗簡

貂帽垂肩窄皂裘，雪深騎馬向西州。
暫時相見還相送，却閉閒門依舊愁。

寄徐晦

郭陂魚美酒偏濃，不出琴齋見雪峰。
應勝昨來趨府日，薄書牀上亂重重。

寄白學士

自掌天書見客稀
縱因休沐鎖雙扉
幾回扶病欲相訪
知向禁中歸未歸

喜王六同宿

十八年來恨別離
唯同一宿詠新詩
更相借問詩中語
共說如今勝舊時

題玉像堂

玉毫不着世間塵
輝相分明十八身
入夜無烟燈更一作

亦
好堂中唯有轉經人

與賈島閑遊

水北原南草色新
雪消風暖不生塵
城中車馬應無數
能解閒行有幾人

哭丘長史

丘公已沒故人稀
欲過街西更訪誰
每到子城東路上
憶君相逐入朝時

哭孟寂

曲江院裏題名處十九人中最少年今日春光君不見

杏花零落寺門前

唐進士登科記孟寂乃中書舍人高
郢所取第十六名其年進士十七人

博學宏詞二人
故詩云十九人

患眼

三年患眼今年免校與風光便隔生昨日韓家後園裏
看花猶似未分明

答劉競

劉君久被時拋擲老向城中作選人昨日街西相近住

每來存問老夫身

贈華嚴院僧

一身依止荒閒院
燭耀窗中有宿烟
徧禮華嚴經裏字
不曾行到寺門前

逢故人

山東一一作二十餘年別
分日相逢在上都
說盡向來無限事
相看靡捋白髭鬚

送蕭遠弟

街北槐花傍馬垂病身相送出門遲與君別後秋風夜
作得新詩說向誰

送辛少府任樂安

一作安縣

才多不肯浪容身老大詩章轉更新選得天台山下住

一家全作學仙人

贈任道人

長安多病無生計藥舖醫人亂索錢欲得定知身上事
憑君為算小行年

招周居

處一作士

閒門秋雨濕墻莎
俗客來稀野思多
已掃書齋

一作堂

安

藥竈山人作意早經過

送許處士

高情自與俗人疎
獨向藍溪選僻

僻一作處

居會到白雲長

取醉不能窗下讀閒書

送律師歸婺州

京中開講已多時
曾作壇頭證戒師
歸到雙溪橋北寺

鄉僧爭就學威儀

題楊祕書新居

愛閒不向爭名地
宅在街西最靜坊
卷裏詩過一千首
白頭新受祕書郎

送睦師

九星臺下煎茶別
五老峰頭覓寺居
作得新詩旋相寄
人來請莫違空書

送僧往

一作歸

金

一作全

州

聞道谿陰山水好師行一一偏經過事須覓取堪居處
若箇溪頭藥最多

尋徐道士

尋師遠到暉天觀竹院森森閉藥房聞入靜來經七日
仙意簷下獨焚香

答開州韋使君寄車前子

開州午一作五日車前子作藥人皆道有神暫媿使君憐
病眼三千餘里寄閒人

憶故州

一作山

壘石為山伴野夫
自收靈藥讀仙書
如今身是他州客
每見青山憶舊居

送客遊蜀

行盡青山到益州
錦城樓下二江流
杜家曾向此中住
為到浣花溪水頭

送

一作贈

陸暢

共踏長安街裏塵
吳州

一作門

獨作未歸身
昔年

一作晉門

舊

宅今誰住居過西堂與問人

感春

遠客悠悠任病身謝家池上又逢春
明年各自東西去此地看花是別人

贈李司議

漢庭誰問投荒客十載一作歲天南着白衣
秋草茫茫惡

谿一作溪路嶺頭遙送北人稀一作歸

別客

青山歷歷水悠悠今日相逢明日秋
繫馬城邊楊柳樹為君沽酒暫淹留

登樓寄胡家兄弟

獨上西樓盡日閒
林烟演漾鳥蠻一作綿
謝家兄弟重城裏不得同看雨後山

答劉明府

身病多時又客居
滿城親舊盡一作久
相疎可憐絳縣劉
明府猶解頻頻寄遠書

酬藤杖

病裏出門行步遲
喜君相贈古藤枝
倚來自覺身生力
每向傍人說得時

法雄寺東樓

汾陽舊宅今為寺
猶有當時歌舞樓
四十年來車馬絕
古槐深巷暮蟬愁

寄故人

靜曲閒房病客居
蟬聲滿樹槿花疏
故人祇在藍田縣

強半年來未得書

鄰婦哭征夫

雙鬟初合便分離
萬里征夫不得隨
今日軍回身獨歿
去時鞍馬別人騎

和崔駙馬聞蟬

鳳凰樓下多歡樂
不覺秋風暮雨天
應為昨來身暫病
蟬聲得到耳傍邊

和裴僕射看櫻桃花

昨日南園新雨後
櫻桃花發舊枝柯
天明不待人同看
遶樹重重履跡多

和長安郭明府與友人縣中會飲

一尊清酒兩人同
好在街西水縣中
自恨病身相去遠
此時閒坐對秋風

唐昌

一作興唐觀看花

新紅舊紫不相宜
看覺從前兩月遲
更向同來詩客道
明年到此莫過時

九華觀看花

街西無數閒遊處不似九華仙觀中
花裏可憐池上景
幾重牆壁貯春風

贈姚合

丹鳳城門向曉開千官相次入朝來
唯君獨走衝塵土
下馬橋邊報直迴

同韋員外開元觀尋時道士

觀裏初晴竹樹涼閒行共到最高房
昨來官罷無生計

欲就師求斷穀方

同韓侍御南溪夜賞

喜作閒人得出城南溪兩月逐君行忽聞新命須歸去
一夜船中語到明

使行望

一作至

悟真寺

採玉峰連佛寺幽高高斜對驛門樓無端來去騎官馬
寸步教身不得遊

重陽至峽道

無限青山行已盡
迴看忽覺遠離家
逢高欲飲重陽酒
山菊今朝未有花

贈主客劉郎中

憶昔君登南省日
老夫猶是褐衣身
誰知二十餘年後
來作客曹相替人

同嚴給事聞唐昌觀玉蕊近有仙過因成絕句
二首

千枝花裏玉塵飛
阿母宮中見亦稀
應共諸仙鬪百草

獨來偷得一枝歸

九色雲中紫鳳車
尋仙來到洞仙家
飛輪迴處無踪跡
唯有斑斑滿地花

秋思

洛陽城裏見秋風
欲作歸家

一作

書意萬重忽

一作復

恐匆

匆說不盡行人臨發又開封

憶遠

行人猶未有歸期
萬里初程日暮時
唯愛門前雙柳樹

枝枝葉葉不相離

玉仙一作山館

長溪新雨色如泥
野水陰雲盡向西
楚客天南行漸遠
山山樹裏鷓鴣啼

寄府吏

野外尋花共作期
今朝出郭不相隨
待君公事有閒日
此地春風一作先應過時

弟蕭遠雪夜同宿

數卷新遊蜀客詩
長安僻巷得相隨
草堂雪夜携琴宿

說是

一作似

青城館裏時

涼州詞三首

邊城暮雨雁飛低
蘆筍初生漸欲齊
無數鈴聲遙過磧
應馱白練到安西

古鎮城門白磧開
胡兵往往傍沙堆
巡邊使客行應早

欲問平安無使來

一作每待平安火到來

鳳林關裏水東流
白草黃榆六十秋
邊將皆承主恩澤

無人解道取涼州

宮詞

新鷹初放兔猶

初一作

肥白日君王在內稀薄暮千門臨

欲鎖紅妝飛騎向前歸

黃金捍撥紫檀槽絃索初張調更高盡理昨來新上曲
內官簾外送櫻桃

華清宮

溫泉流入漢離宮宮樹行行浴殿空武帝時人今欲盡

青山空閉御墻中

崔駙馬養鶴

身閒無事稱高情
已有人間章句名
求得鶴來教剪翅
望仙臺下亦將行

閒遊

老身不計人間事
野寺秋晴每獨過
病眼校來猶斷酒
却嫌行處菊花多

劉兵曹贈酒

一餅顏色似甘泉
閒向新栽小竹前
飲罷身中更無事
移牀獨就夕陽眠

送梧州王使君

楚江亭上秋風起
看發蒼梧太守船
千里同行從此別
相逢又隔幾多年

春日早朝

曉陌春寒朝騎來
瑞雲深處見樓臺
夜來新雨沙堤濕
東上閣門應未開

寄朱闕二山人

為箇朝章束此身眼看東路

一作洛

去無因歷陽舊客今

應少轉憶鄰家二老人

寄李渤

五渡溪頭躑躅紅嵩陽寺裏講時鐘
春山處處行應好
一月看花到幾峰

尋仙

溪頭一徑入青崖處處仙居隔杏花
更見峰西幽客說

雲中猶有兩三家

同白侍郎杏園贈劉郎中

一去瀟湘頭欲

一作已

白今朝始見杏花

一作圓

春從來遷

客應無數重到花前有幾人

答鄱陽客藥名詩

江臯歲暮相逢地黃葉霜前半夏枝
子夜吟詩向松桂
心中萬事喜君知

寄宋景

詔發官兵取亂臣將軍弓箭不離身今君獨在征東府
莫遣功名屬別人

寄王待御

一作奉御

愛君紫閣峰前好新作書堂藥竈成見欲移居相近住
有田多與種黃精

題渭北寺上方

昔祭郊壇今謁陵寺中高處最來登十餘年後人多別
喜見當時轉讀僧

閒遊

一作題山
寺僧院

終日不離塵土間，若為能見此身閒。
今朝暫共遊僧語，更恨趨時別舊山。

倡女詞

輕鬢叢梳闊掃眉，為嫌風日下樓稀。
畫羅金縷難相稱，故著尋常淡薄衣。

答元遺紗帽

黑紗方帽君邊得，稱對山前坐竹牀。
唯恐被人偷剪樣。

不曾閒戴出書堂

題僧院

聞師行講青龍疏
本寺住來多少年
靜掃空房唯獨坐
千莖秋竹在簷前

送元八

百神齋祭相隨徧
尋竹一作水看山亦共行
明日城西送

君去舊遊重到獨題名

吳楚歌詞

庭前春鳥啄林聲紅夾羅襦縫未成今朝社日一作酒停
針線起向朱櫻樹下行

題方睦上人月臺觀

一身清淨無童子獨坐空堂得幾年每夜焚香通月觀
可憐光影最團圓

華山一作岳廟

金天廟下西京道巫女紛紛走似烟手把紙錢迎過客
遣求恩福到神前

病中酬元宗簡

東風漸暖滿城春，獨占

一作向

幽居養病身，莫說櫻桃花。

已發今年不作看花人。

寺宿齋

晚到金光門外寺，寺中新竹隔簾多。
齋官禁與僧相見，院院開門不得過。

贈施肩吾

世間漸覺無多事，雖有

一作得

空名未著身，合取藥成相。

待喫不須先作上天人

贈王建

白君去後交遊少東野亡來篋笥貧
賴有白頭王建在眼前猶見詠詩人

逢賈島

僧房逢着款冬花出寺行吟日已斜
十二街中春雪遍馬蹄今去入誰家

山中酬人

山中日暖春鳩鳴
逐水看花任意行
向晚歸來石窗下
菖蒲葉上見題名

弱栢院僧影堂

弱栢倒垂如線蔓
簷頭不見有枝柯
影堂香火長相續
應得人來禮拜多

題故僧影堂

香消雲鎖舊僧家
僧刹殘形半壁斜
日暮松烟寒漠漠
秋風吹破紙蓮花

無題

一作劉禹錫詩
題云踏歌詞

桃溪柳陌好經過
燈下妝成月下歌
為是襄王故宮地

至今猶有

一作
自細腰多

山禽

山禽毛如白練帶
栖我庭前栗樹枝
獼猴半夜來取栗
一雙中林向月飛

秋山

秋山無雲復無風
溪頭看月出深松
草堂不閉石牀靜

葉間墜露聲重重

玉真觀

臺殿曾為貴主家
春風吹盡竹窗紗
院中仙女脩香火
不許閒人入看花

蠻中

銅柱南邊毒草春
行人幾日到金麟
玉鐸穿耳誰家女
自抱琵琶迎海神

贈道士

一作剡溪逢
茅山道士

茅山近別剡溪逢玉節青旌十二重
自說年年上天去
羅浮最近海邊峰

重

一作平驛作

茫茫菰草平如地
渺渺長堤曲似城
日暮未知投宿處
逢人更問向前程

宿天竺寺寄靈隱寺僧

夜向靈溪息此身
風泉竹露淨衣塵
月明石上堪同宿
那作山南山北人

酬朱慶餘

越女新妝出鏡心
自知明豔更沈吟
齊紈未是人間貴
一曲菱歌敵萬金

寒食憶歸

以下二首見
歲時雜咏

京中曹局無多事
寒食貧兒要在家
遮莫杏園勝別處
亦須歸看傍村花

寒食

綠楊枝上五絲繩
枝弱春多欲不勝
唯有一年寒食日

女郎相喚擺階癩

賦花并序

白樂天分司東洛朝賢悉會興化亭送別酒酣各
賦一字至七字詩以題為韻

花花落早開賒對酒客興詩家能迴遊騎每駐行車宛
宛清風起茸茸麗日斜且願相留懼洽惟愁虛棄光華
明年攀折知不遠對此誰能更歎嗟

句

韓公國大賢道德赫已聞時出為陽山爾區來趨奔韓
官遷掾曹子隨至荆門韓入為博士崎嶇送歸輪

送區弘事

文類
衆



御定全唐詩卷三百八十六

欽定四庫全書

集部

御定全唐詩卷三百七十九

詳校官庶吉士_臣胡鈺

主事銜_臣徐以坤覆勘

總校官知縣_臣楊懋珩

校對官學正_臣李巖

謄錄監生_臣李維翰

欽定四庫全書

御定全唐詩卷三百八十七

盧仝

盧仝范陽人隱少室山自號玉川子徵諫議不起韓愈為河南令愛其詩厚禮之後因宿王涯第惟甘露之禍詩三卷

月蝕詩

新天子即位五年歲次庚寅斗柄插子律調黃鐘森森

萬木夜殫立寒氣顛顛頑無風爛銀盤從海底出出來
照我草屋東天色紺滑凝不流冰光交貫寒瞳矐初疑
白蓮花浮出龍王宮八月十五夜比並不可雙此時怪
事發有物吞食來輪如壯士斧斫壞桂似雪山風拉摧
百鍊鏡照見膽平地埋寒灰火龍珠飛出腦却入蚌蛤
胎摧環破壁眼看盡當天一搭如煤炆磨蹤滅跡須臾
間便似萬古不可開不料至神物有此大狼狽星如撒
沙出爭頭事光大奴婢炷暗燈揜烏感切熒如玳瑁今夜

吐燄長如虹孔隙千道射戶外玉川子涕泗下中庭獨
自行念此日月者太陰太陽精皇天要識物日月乃化
生走天汲汲勞四體與天作眼行光明此眼不自保天
公行道何由行吾見陰陽家有說望日蝕月月光滅朔
月掩日日光缺兩眼不相攻此說吾不容又孔子師老
子云五色令人目盲吾恐天似人好色即一作喪明幸則
且非春時一作晴萬物不嬌榮青山破瓦色綠水冰崢嶸
花枯無女艷鳥死沈歌聲頑冬何所好偏使一目盲傳

聞古老說蝕月蝦蟇精徑圓千里入汝腹汝此癡骸一作

駭

阿誰一作何從

生可從海窟來便解緣青冥恐是睚睫間

揜

一作揜

塞所化成黃帝有二目帝舜重瞳明二帝懸四

目四海生光輝吾不遇二帝滉漭不可知何故瞳子上

坐受蟲豸欺長嗟白兔搗靈藥恰似有意防姦非藥成

滿口不中度委任白兔夫何為憶昔堯為天十日燒九

州金爍水銀流玉燭

音炒

丹砂焦六合烘為黛

音遙

堯心增

百憂帝見堯心憂勃然發怒決洪流立擬沃殺九日妖

天高日走沃不及但見萬國赤子齷齷生魚頭此時九

御導九日爭持節幡麾幢旒駕車六九五十四頭蛟螭

虬掣電九火輶汝若蝕開齟齬一作齟齬輪御轡執索相爬

鉤推蕩轟訇一作渴入汝喉紅鱗燄鳥燒口快翎羸倒側

聲醜鄒撐腸拄肚礪傀一作礪如山丘自可飽死更不偷

不獨填飢坑亦解堯心憂恨汝時一本無當食藏一作埋

頭撒腦不冒食不當食張脣哆嘴食不休食天之眼養

逆命安得上一作天帝請汝劉嗚呼人養虎被虎齧天媚

暮被暮瞎

一作天昏暮得替疾
蝦慕敢將天眼瞎

乃知恩非類一一自作

孽吾見患眼人必索良工訣想天不異人愛眼固應一

安得常娥氏來習扁鵲術手操春喉戈去此睛上物其

初

一作初既

猶朦朧既久如

一作似

抹漆但恐功業成便此不

吐出玉川子又涕泗下心禱再拜額榻

一作榻

砂土中地

上蟻虱臣全告愬帝天皇臣心有鐵一寸可剗妖暮癡

腸上天不為臣立梯磴臣血肉身無由飛上天揚天光

封詞付與小心風

一作先封辭
付與赤心風

越

排闥闖入紫宮

密邇玉几前，擘圻奏上臣。仞愚胸敢死，橫干天代天。

謀其長

一作敢死橫干天甚長

東方蒼龍角，插戟尾，捍風當心開。

明堂統領三百六十鱗，蟲坐理

一作治

東方宮月蝕不救

援安用東方龍，南方火鳥赤潑血，項長尾短飛跋躩

一作

刺頭戴井

一作丹

冠高遠，楨月蝕鳥宮十三度，鳥為居停

主人不覺察，貪向何人家，行赤口毒舌，毒蟲頭上喫却

月不啄殺，虛眩鬼眼明，突窳

音扶血

鳥罪不可雪，西方攫

虎立踣踣

音几

斧為牙鑿，為齒偷犧牲，食封豕大墓，一變

固當軟美見似不見是何道理爪牙根天不念天天若

准擬錯准擬北方寒龜被蛇縛藏頭入殼如入獄蛇筋

束緊束破殼寒龜夏鼈一種味且當以其肉充臙死殼

沒信處

一作且當臙其肉
一底板沒信處

唯堪支牀脚不堪

一作鑽灼

與天

一本有下字

卜歲星主福德官爵奉董秦忍使黔婁生

覆尸無衣巾天失眼不弔歲星胡其仁熒惑雙鑠翁執

法大不中月明無罪過不糾蝕月蟲年年十月朝太微

支盧謫罰何災凶土星與土性相背反養福德生禍害

到人頭上死破敗今夜月蝕安可會太白真將軍怒激
鋒鏃生恒州陣斬酈定進項骨脆甚春蔓菁天唯兩眼
失一眼將軍何處行天兵辰星任廷尉天律自主持人
命在盆底固應樂見天盲時天若不甯信試喚臯陶鬼
一問一如今日三台文昌宮作上天一作天上紀綱環天二
十八宿一本無宿字磊磊尚書郎整頓排班行劔握他人將
一四太陽側一四天市傍操斧伐大匠兩手不怕傷弧
矢引滿反射人天狼呀喙明煌煌癡牛與駮女不肯勤

農桑徒勞含淫思旦夕遙相望蚩尤簸旗弄旬朔始搥
天鼓鳴瑤琅枉矢能蛇行眊目森森張天狗下舐地血
流何滂滂謫險萬萬黨架構何可當眯目疊成就害我

光明王請留北斗一星相北極一作請留北
斗相北極指麾萬國

懸中央此外盡掃一作
拂除堆積一作
砂磧如山岡贖我父母

光當時常星沒殞一作
星雨如迸一作
坼漿似天會事發叱

喝誅奸強何故中道廢自遺今日殃善善又惡惡郭公
所以亡額天神聖心無信他人忠玉川子詞訖風色緊

格格近月黑暗邊有似動劍戟須臾癡暮精兩吻自決
坼初露半箇壁漸吐滿輪魄衆星盡原赦一幕獨誅磔
腹肚忽脫落依舊挂宮碧光彩未蘇來慘澹一片白奈
何萬里光受此吞吐厄再得見天眼感荷天地力或問
玉川子孔子修春秋二百四十年月蝕盡不收今子咄
咄詞頗一作固合孔意不玉川子笑答或請聽逗留孔子
父母魯諱魯不諱周書外書大惡故月蝕不見收予命
唐天口食唐土唐禮過三唐樂過五小猶不說大不可

數災沴無有小大瘡安得

一本無得字

引衰周研覈其

一本無其

字可否日分晝月分夜辨寒暑一主刑二主德政乃舉

孰為人面上一目偏可去額天完兩日照下萬方土萬古更不瞽萬萬古更不瞽照萬古

哭玉碑子

山有洞左頰拾得玉碑子其長一周尺其闊一藥匕顏色九秋天稜角四面起輕敲吐寒流清悲動神鬼稽首置手中只似一片水至文反無文上帝應有以予疑仙

石靈顧以仙人比心期香湯洗歸送籙堂裏頗奈窮相
驢行動如跛鼈十里五里行百蹶復千蹶顏子不少天
玉碑中路折橫文尋龜兆直理任瓦裂劈竹不可合破
環永離別向人如有情似痛滴無血勘鬪平地上罅坼
多齧缺百見百傷心不堪再提挈怪哉堅貞姿忽脆不
堅固矧曰人間人安能保常度敢問生物成敗為有真
素為稟靈異氣不得受穢污驢罪真不厚驢生亦錯誤
更將前前行復恐山神怒白雲翁閉嶺高松吟古墓置

此忍其傷驅驢下山路

一作去

觀放魚歌

常州賢刺史從諫議大夫除天地好生物刺史性與天地俱見山客狎魚鳥坐山客北亭湖命舟人駕舫子漾漾菰蒲酒興引行處正見漁人魚刺史密會山客意復念網羅嬰無辜忽脫身上殷緋袍盡買罟獲盡有無鰻鱸鮎鱧鱖涎惡最頑愚鱗鮐見幽風質幹稍高流時白噴雪鯽鯉瀉此輩肥脆為絕尤老鯉變化頗神異三十

六鱗如抹朱水苞弘窟有蛟鼉餌非龍餌唯無鱸叢雜
百千頭性命懸須臾天心應刺史刺史盡活諸一一投
深泉跳脫不復拘得水競騰突動作詭怪殊或透藻而
出或破浪而趨或掉尾子子或奮鬣愉愉或如鶯擲梭
一本缺此三字或如虵銜珠四散漸不見島嶼徒縈紆鸚鵡鷁
鷗鳧喜觀爭叫呼小蝦亦相慶繞岸採其鬚乃知貪生
不獨頑癡夫可憐百千命幾為中腸殖若養聖賢真大
烹龍髓敢惜呼苦痛如今人盡是魚食魚族類恣飲噉

強力無親疏明明刺史心不欲與物相欺誣岸蟲兩與
命無意殺此活彼用賊徒亦憶清江使橫遭乎余且聖
神七十鑽不及泥中鱗哀哉託非賢五臟生冤讐若當
刺史時聖物保不囚不疑且不卜二子安能諛二子儻
故諛吾知心受誅禮重一草木易卦稱中孚又曰鈞不
綱又曰遠庖厨故一作攷仁人用心刺史盡合符昔魯公
觀棠距箴遂被孔子貶而書今刺史好生德洽民心誰
為刺史一褒譽刺史自上來德風如草鋪衣冠興廢禮

百姓減暴租豪猾不豪猾鰥孤不鰥孤開古孟漬三十
里四千頃泥坑為膏腴刺史視之總若無訟庭雀噪坐
不得湖上拔芟植芙蓉勝業莊中二桑門時時對坐談
真如因說十千天子事福力當與刺史俱天雨曼陀羅
花深沒膝四十千真珠瓔珞堆高樓此中怪特不可會
但慕刺史仁有餘刺史敕左右兼小家一本有生字奴慎勿
背我沈毒鉤念魚承奉刺史仁深僻處遠遠遊刺史官
職小教化未能敷第一莫近人惡人唯口腴第一莫出

境四境多網罟重傷刺史心喪爾微賤軀

示添丁

春風若不仁呼逐馬蹄行人家慚愧瘴氣却憐我入我
憔悴骨中為生涯數日不食強強行何忍索我抱看滿
樹花不知四體正困慵泥人啼哭聲呀呀忽來案上翻
墨汁塗抹詩書如老鴉父憐母惜擱不得却生癡笑令
人嗟宿舂連曉不成米日高始進一碗茶氣力龍鍾頭
欲白憑仗添丁莫惱爺

寄男抱孫

別來三得書書道遠離久書處甚麤殺且喜見汝手殷
十七又報汝文頗新有別來纔經年囊盎未合斗當是
汝母賢日夕加訓誘尚書當畢功禮記速須剖嘍囉兒
讀書何異摧枯朽尋義低作聲便可養年壽莫學村學
生麤氣強叫吼下學偷工夫新宅鋤菜莠乘涼勸奴婢
園裏耨葱韭遠籬編榆棘近眼栽桃柳引水灌竹中蒲
池種蓮藕撈漉蛙蟬脚莫遣生科斗竹林吾最惜新筍

好看守萬擇芭龍兒攢迸溢

一作隘

林藪吾眼恨不見心

腸痛如搗宅錢都未還債利日日厚籜龍正稱冤莫殺
入汝口丁寧囑託汝汝活籜龍不殷十七老儒是汝父
師友傳讀有疑悞輒告諮問取兩手莫破拳一吻莫飲
酒莫學捕鳩鴿莫學打雞狗小時無大傷習性防已後
頑發苦惱人汝母必不受任汝惱弟妹任汝惱姨舅姨
舅非吾親弟妹多老醜莫惱添丁郎淚子作面垢莫引
添丁郎赫赤日裏走添丁郎小小別吾來久久脯脯不

得喫兄弟莫撚搜他日吾歸來家人若彈紉一百放下打汝九十九

自詠三首

為報玉川子知君未是賢低頭雖有地仰面輒無天骨肉清成瘦萬蔓老覺羶家書與心事相伴過流年

盧子躡踵一作龍鍾也賢愚總莫驚蚊蝥當家口草石是親

情萬卷堆胸朽三光撮眼明翻悲廣成子閑氣說長生物外無知己人間一癖王生涯身是夢耽樂酒為鄉日

月黏髭鬢雲山鎖肺腸愚公只公是不用謾驚張

送王儲詹事西遊獻兵書

一本分作三首

美酒撥醅酌楊花飛盡時落日長安道方寸無人知
篋中制勝術氣雄屈指算半醉千般勤仰天一長歎
玉匣百鍊劍龜文又龍吼抽贈王將軍勿使虛白首

送邵兵曹歸江南

春風楊柳陌連騎醉離觴千里遠山碧一條歸路長
花開愁北渚雲去渡南湘東望濛濛處烟波是故鄉

寄外兄魏澈

何處堪惆悵情親不得親
興寧樓上月辜負酒家春

喜逢鄭三遊山

相逢之處花茸茸
石壁攢峰千萬重
他日期君何處好
寒流石上一株松

卓女怨

妾本懷春女
春愁一作懷不自任
迷魂隨鳳客
嬌思入琴

心託援交情
重當壚酌意深
誰家有夫婿
作賦得黃金

守歲二首

去年一作留不住年來也任他當壚一榼酒爭奈兩年

何

老來經節臘樂事甚悠悠不及兒童日都盧不解愁

新月

仙宮雲箔卷露出玉簾鉤清光無所贈相憶鳳皇樓

解悶

人生都幾日一半是離憂但有尊中物從他萬事休

揚子津

風卷魚龍暗楚關
白波沈却海門山
鵬騰鼉倒且快性
地坼天開總是閒

人日立春

春度春歸無限春
今朝方始覺成人
從今剋一作克己應

猶及顏一作顏與梅花俱自新

送尉遲羽之歸宣州

君歸乎君歸興不孤
謝眺澄江今夜月也應憶著此山

夫

悲新年

新年何事最堪悲
病客遙聽百舌兒
太歲只遊桃李徑
春風肯管歲寒枝

憶酒寄劉侍郎

愛酒如偷蜜
憎醒似見刀
君為麩蘖主
酒醴一作醒莫辭

勞

白鷺鷥

刻成片玉白鷺鷥欲捉纖鱗心自急翹足沙頭不得時
傍人不知謂閑立

風中琴

五音六律十三徽龍吟鶴響息庖羲一彈流水一彈月
水月風生松樹枝

感秋別怨

霜秋自斷魂楚調怨離分魄散瑤臺月心隨巫峽雲蛾
眉誰共畫鳳曲不同聞莫似湘妃淚斑斑點翠裙

新蟬

泉溜潛幽咽琴鳴乍往還
長風翦不斷還在樹枝間

題褚遂良孫庭竹

負霜停雪舊根枝
龍笙鳳管君莫截
春風一番琴上來
揉碎金尊碧月天

訪含曦上人

三人寺曦未來
輓轡無人井百尺
渴心歸去生塵埃

客淮南病

揚州蒸毒似燂湯客病清枯鬢欲霜且喜閉門無俗物
四肢安穩一張牀

村醉

昨夜村飲一作村醉歸健一作連倒三四五摩挲青莓苔莫

嗔一作我驚著汝

蕭宅二三子贈答詩二十首 并序

蕭才子子修文行名聞將遷家于洛賣揚州宅未售

玉川子客揚州羈旅識蕭遂館蕭未售之宅既而

蕭有事于歙州玉川子欲歸洛憶蕭遂與砌下二
三子酬酢說相媿意俄而二三子有憂宅僖心與
其他人手孰與洛客以蕭故亦有勉強不能逆其
情文以見意遂盡錄寄蕭天知地知非苟有所欲
二三子心遠訥君子蕭乎蕭乎君歸不得見者細
長三四片者乎

客贈石

竹下青莎中細長三四片主人雖不歸長見主人面

石讓竹

自顧撥

一作
擬

不轉何敢當主人竹弟有清風可以娛嘉

賓

竹荅客

竹弟謝石兄清風非所任隨分有蕭瑟實無堅重心

石請客

竹弟雖讓客不敢當客恩自慙埋沒久滿面蒼苔痕

客荅石

遍索天地間彼此最癡癖主人幸未來與君為莫逆

石荅竹

石報孤竹君此客甚高調共我相共癡不怕主人天下
笑我非蛺蝶兒我非桃李枝不要兒女撲不要春風吹
苔蘚印我面雨露皴我皮此故不嫌我突兀蒙相知此
客即西歸我心徒依依我欲隨客去累重不解飛知弟
虛心亦待客此客何以共報之

竹請客

我本泰山阿避地到南國主人欲移家我亦要歸北上
客幸先歸願託歸飛翼唯將脩脩風累路報恩德

客謝竹

揚州駁雜地不辨龍虬當作蜥客身正乾枯行處無膏

澤太山道不遠相庇實無力君若隨我行必有煎茶厄

石請客

啓母是諸母三十六峯是諸父知君家近父母家小人
安得不懷土憐君與我金石交君歸可得共載否小人

無以報君恩使君池亭風月古

客謝石

我有水竹莊甚近嵩之巔是君歸休處可以終天年雖
有提携勞不憂糧食錢但恐主人心疑我相釣竿

石再請客

主人若知我應喜我結得君主人不知我我住何求于
主人我在天地間自是一片物可得扛壓我使我頭不
出

客許石

石公說道理句句出凡格相知貴知心豈恨主為客過
須歸去來旦晚上無厄主人誠賢人多應不相責

井請客

我生天地間頗是往還數已効炊爨勞我亦不願住君
有造化力在君一降顧我願拔黃泉輕舉隨君去

客謝井

改邑不改井此是井卦辭井公莫怪驚說我成愁癡我

縱有神力爭敢將公歸揚州惡百姓疑我卷地皮

馬蘭請客

蘭蘭是小草不怕郎君罵願得隨君行暫到嵩山下

客請馬蘭

嵩山未必憐蘭蘭蘭蘭已受郎君恩不須刷帚跳蹤走

只擬蘭浪一作郎出其門

蛺蝶請客

粉末為四體春風為生涯願得紛飛去與君為眼花

客答蛭蝶

君是輕薄子莫窺君子腸且須看雀兒雀兒銜爾將

蝦蟆請客

凡有水竹處我曹長先行願君借我一勺水與君晝夜
歌德聲

客請蝦蟆

蝦蟆蟆叩頭莫語人聞聲揚州蝦蟆忽得便腥臊臭穢
逐我行我身化作青泥坑

御定全唐詩卷三百八十七

欽定四庫全書

御定全唐詩卷三百八十八

盧仝

龜銘

龜汝靈於人不靈於身致網於津吾靈於身不靈於人
致走於塵龜吾與汝鄰

梳銘

有髮今朝朝思理有身兮胡不如是

小婦吟

小婦欲入門隈門勻紅妝大婦出門迎正頓羅衣裳門
邊兩相見笑樂不可當夫子於傍聊一作斷腸小婦哆

即

唳上高堂開玉匣取琴張陳金壘酌滿觴願言兩相樂
永與同心事我郎夫子於傍刺欲狂珠簾風度百花香
翠帳雲屏白玉牀啼鳥休啼花莫笑女英新喜得娥皇

月下寄徐希仁

夜半沙上行月瑩天心明沙月浩無際此中離思生上

天何寥廓下地何崢嶸吾道豈已矣為君傾兕觥

贈徐希仁石硯別

靈山一片不靈石手斲成器心所惜鳳鳥不至池不成
蛟龍乾蟠水空滴青松火鍊翠烟凝寒竹風搖遠天碧
今日贈君離別心此中至淺造化深用之可以過珪璧
棄置還為一片石

有所思

當時我醉美人家美人顏色嬌如花今日美人棄我去

青樓珠箔天之涯天涯

一本無天
涯二字

娟娟姮娥月三五二

八一本無二
八二字

盈又缺翠眉蟬鬢生別離一望不見心斷

絕心斷絕幾千里夢中醉卧巫山雲覺來淚滴湘江水

湘江兩岸花木深美人不見愁人心含愁更奏綠綺琴

調高弦絕無知音美人兮美人不知為暮雨今為朝雲

相思一夜梅花發忽到窗前疑是君

樓上女兒曲

誰家女兒樓上頭指揮婢子挂簾鉤林花撩亂心之愁

卷却羅袖彈箜篌
箜篌歷亂五六弦
羅袖掩面啼向天
相思弦斷情不斷
落花紛紛心欲穿
心欲穿憑欄干相
憶柳條綠相思錦
帳寒直緣感君恩
愛一迴顧使我雙
淚長珊珊我有嬌
靨待君笑我有嬌
蛾待君掃鶯花爛
漫君不來及至君
來花已老心腸寸
斷誰得知玉堦
羃歷生青草

秋夢行

客行一夜秋風起
客夢南遊渡湘水
湘水泠泠徹底清

二妃怨處無限情娥皇不語啟嬌靨女英目成轉心慳
長眉入鬢何連娟肌膚白玉秀且鮮衰回共詠東方日
沈吟再理南風弦聲斷續思綿綿中含幽意兩不宣殷
勤纖手驚破夢中宵寂寞心悽然心悽然腸亦絕寐不
寐今玉枕寒夜深夜兮霜似雪鏡中不見雙翠眉臺前
空挂纖纖月纖纖月盈復缺娟娟似眉意難訣願此眉
兮如此月千里萬里光不減

自君之出矣

自君之出矣壁上蜘蛛織近取見妾心夜夜無休息妾
有雙玉環寄君表相憶環是妾之心玉是君之德馳情
增悴容蓄思損精力玉簫寒悽悽延想心惻惻風含霜
月明水泛碧天色此水有盡時此情無終極

走筆謝孟諫議寄新茶

日高丈五睡正濃軍將打門驚周公口云諫議送書信
白絹斜封三道印開緘宛見諫議面手閱月團三百片
聞道新年入山裏蟄蟲動春風起天子須嘗陽羨茶

百草不敢先開花仁風暗結珠琲璫先春抽出黃金芽
摘鮮焙芳旋封裏至精至好且不奢至尊之餘合王公
何事便到山人家柴門反關無俗客紗帽籠頭自煎喫
碧雲引風吹不斷白花浮光凝椀面一椀喉吻潤兩椀
破孤悶三椀搜枯腸唯有文字五千卷四椀發輕汗平
生不平事盡向毛孔散五椀肌骨清六椀通仙靈七椀
喫不得也唯覺兩腋習習清風生蓬萊山在何處玉川
子乘此清風欲歸去山上羣仙司下土地位清高隔風

雨安得知百萬億蒼生命墮在巔崖受辛苦便為諫議
問蒼生到頭還得蘇息否

冬行三首

蟲豸臘月皆在蟄吾獨何乃勞其形小大無由知天命
但怪守道不得寧老母妻子一揮手涕下便作千里行
自顧不及遭霜葉旦夕保得同飄零達生何足云偶然
苦樂經其身古來堯孔與桀跖善惡何補如今人

長年愛伊洛決計卜長久賒買里仁宅水竹且小有賣

宅將還資舊業苦不厚債家徵利心餓虎血染口臘風
刀刻肌遂向東南走賢哉韓員外勸我莫強取憑風謝
長者敢不愧心苟賃載得估舟估雜非吾偶壯色排榻
席別座夸羊酒落日無精光啞暝被掣肘漕石生齒牙
洗灘亂相擷奔漸嚼篙杖夾岸雪龍吼可憐聖明朝還
為喪家狗通運隔南溟債利拄北斗揚州屋舍賤還債
堪了不此宅貯書籍地濕憂蠹朽賈僕舊相識十年與
營守貧交多變態僕得君子不利命子罕言我誠孔門

醜且貴終焉圖死免慙狐首何當歸帝鄉白雲永相友
不敢唾汴水汴水入東海污泥龍王宮恐獲不敬罪不
敢蹋汴堤汴堤連秦宮蹋盡天子土餽餽無由通此言
雖太闊且是臣心腸野風結陰兵千里鳴刀槍海月護
羈魄到曉點孤光上不事天子下不識侯王夜半睡獨
覺爽氣盈心堂顏子甚年少孔聖同行藏我年過顏子
敢道不自強船人雖奴兵亦有意智長問我何所得樂
色填清揚我報果有為孔經在衣裳

常州孟諫議座上聞韓員外職方貶國子博士

有感五首

忽見除書到韓君又學官死生縱有命人事始知難
烈火先燒玉庭蕪不養蘭山夫與刺史相對兩巔峴

干祿無便佞宜知黜此身員郎猶小小國學大頻頻
孤宦心肝直天王苦死嗔朝廷無諫議誰是雪韓人

何事遭朝貶知何被不容不如思所自只欲涕無從
爵服何曾好荷衣已慣縫朝官莫相識歸去老巖松

力小垂垂上天高又不登致身唯一已獲罪則顏朋祿
位埋坑竄康莊壘劍稜公卿共惜取莫遣玉山崩

誰憐野田子海內一韓侯左道官雖樂剛腸得健無武

反功名生地獄禮教死天囚莫言耕種好須避蒺藜秋

夏夜聞蚯蚓吟

夏夜雨欲作傍砌蚯蚓吟念爾無筋骨也應天地心汝
無親朋累汝無名利侵孤韻似有說哀怨何其深泛泛
輕薄子旦夕還謳吟肝膽異汝輩熱血徒相侵

揚州送伯齡過江

伯齡不厭山山不養伯齡松巔有樵墮石上無禾生不
忍六尺軀遂作東南行諸侯盡食肉壯氣吞八紘不啣
溜鈍漢何由通姓名夷齊餓死日武王稱聖明節義士
枉死何異鴻毛輕努力事干謁我心終不平

憶金鷲山沈山人二首

君家山頭松樹風適來入我竹林裏一片新茶破鼻香
請君速來助我喜莫合九轉大還丹莫讀三十六部大

洞經開來共我說真意
齒下領取真長生
不須服藥求神仙
神仙神智或偶然
自古聖賢放入土
淮南雞犬驅上天
白日上昇應不惡
藥成且輒一丸藥
暫時上天少問天
蛇頭蝎尾誰安著

君愛鍊藥藥欲成
我愛鍊骨骨已清
試自比校得仙者也
應合得天上行
天門九重高
崔嵬清空鑿出黃金堆
夜叉守門晝不啟
夜半醮祭夜半開
夜叉喜歡動關鎖
鎖聲撮地生風雷
地上禽獸重血食
性命血化飛黃埃

太上道君蓮花臺九門隔闕安在哉嗚呼沈君大藥成
兼須巧會鬼物情無求長生喪厥生

寄蕭二十三慶中

蕭乎蕭乎憶蕭者嵩山之盧盧揚州蕭歙州相思過春
花鬢毛生麥秋千災萬怪天南道猩猩鸚鵡皆人言山
魃吹火蟲入椀鳩鳥咒詛鮫吐涎就中南瘴欺北客憑
君數磨犀角喫我憶君心千百間千百間君何時還使
我夜夜勞魂魄

贈金鵝山人沈師魯

第二十一
句缺一字

金鵝山中客來到揚州市買藥牀頭一破顏
撇然便有上天意日月高挂玄關深金膏切
淬肌骨異人皆食穀與五味獨食太和陰陽
氣浩浩流珠走百關綿綿若存有深致種玉
不耕山外非內粹鑿儒關決文泉彰風雅因
君不復墜光不外照刃不磨迴避人間惡富貴
三日四日五六日盤礴化元搜萬類書飲興
酣陶天和夜話造微精魅示我插血不死方
賞我風格不肥臆肉眼

不識天上書小儒安敢窺奧秘崑崙路隔西北天三山
後浮不著地君到頭來憶我時金簡為我鐫一字

歎昨日三首

昨日之日不可追今日之日須臾期如此如此復如此
壯心死盡生鬢絲秋風落葉客腸斷不辨斗酒開愁眉

賢名聖行甚辛苦周公孔子徒自欺

一作骨朽名揚徒爾為

天下薄夫苦耽酒玉川先生也耽酒薄夫有錢恣張樂
先生無錢養恬漠有錢無錢俱可憐百年驟過如流川

平生心事消散盡天上白日悠悠懸

上帝板板主何物日車劫劫西向沒自古賢聖無奈何
道行不得皆白骨白骨土化鬼人泉生人莫負平生年
何時出得禁酒國滿甕釀酒曝背眠

月蝕詩

東海出明月清光照毫髮朱弦初罷彈金兔正竒絕三
五與二八此時光滿時頗奈蝦蟇兒吞我芳桂枝我愛
明鏡潔爾乃痕翳之爾且無六翮焉得升天涯方寸有

白刃無由揚清輝如何萬里光遭爾小物欺却吐天漢
中良久素魄微日月尚如此人情良可知

直鉤吟

初歲學釣魚自謂魚易得三十持釣竿一魚釣不得人
鉤曲我鉤直哀哉我鉤又無食文王已沒不復生直鉤
之道何時行

與馬異結交詩

天地日月如等閒盧仝四十無往還唯有一片心脾骨

峻巖萃碑兀鬱律刀劔為峰峇平地放著高如崑崙山
天不容地不受日月不敢偷照耀神農畫八卦鑿破天
心胸女媧本是伏羲婦

一作女媧
伏羲妹

恐天怒擣鍊五色石

引日月之針五星之縷把天補補了三日不甯歸塔家
走向日中放老鴟月裏栽桂養蝦蟇天公發怒化

一作
罰

龍蛇此龍此蛇得死病神農合藥救死命天怪神農黨
龍蛇罰神農為牛頭令載元氣車不知藥中有毒藥藥
殺元氣天不覺爾來天地不神聖日月之光無正定不

知元氣元不死忽聞空中喚馬異馬異若不是祥瑞空中
中敢道不容易昨日全不全異自異是謂大全而小異
今日全自全異不異是謂全不往今異不至直當中今
動天地白玉璞裏斲出相思心黃金鑛裏鑄出相思淚
忽聞空中崩崖倒谷聲絕勝明珠千萬斛買得西施南
威一雙婢此婢嬌饒殺人凝脂為膚翡翠裙唯解畫
眉朱點脣自從獲得君敲金掇玉凌浮雲却返顧一雙
婢子何足云平生結交若少人憶君眼前如見君青雲

欲開白日沒天眼不見此竒骨此骨縱橫竒又竒千歲
萬歲枯松枝半折半殘壓山谷盤根蹙節成蛟螭忽雷
霹靂萃風暴雨撼不動欲動不動千變萬化總是鱗皴
皮此竒怪物不可欺盧仝見馬異文章酌得馬異胸中
事風姿骨本恰如此是不是寄一字

感古四首

第四首
缺七字

天生聖明君必資忠賢臣舜禹竭股肱共佐堯為君四
載成地理七政齊天文階下藁莢生琴上南風薰輪轉

夏殷周時復猶一人秦漢事讒巧魏晉忘機鈞猜忌相
翦滅爾來迷恩親以愚保其身不覺身沈淪以智理其
國遂為國之賊苟圖容一身萬事良可惻可憐萬乘君
聰明受沈惑忠良伏草莽無因施羽翼日月異又蝕天
地晦如墨既亢而後求異哉龍之德

人生何所貴所貴有終始昨日盈尺璧今朝盡瑕棄蒼
蠅點垂棘巧舌成錦綺箕子為之奴比干諫而死仲尼
魯司寇出走為去聲羣婢假如屈原醒其奈一國醉一國

醉號呶一人行清高便欲激頽波此事真徒勞上山逢
猛虎入海逢巨鼉王者苟不死腰下魚鱗刀東海波連
天三度成桑田高岸高於屋斯須變溪谷天地猶尚然
人情難久全夜半白刃讐旦來金石堅蕭綬既解圻陳
印亦棄捐竭節遇刀割輸忠遭禍纏不予衾之眠信予
衾之穿鏡明不自照膏潤徒自煎抱劍長太息淚墮秋

風前

古來不患寡所患患不均單醪投長河三軍盡沈淪今

人異古人結託唯親賓毀圻唯鵲巢不行鳴鳩仁鄙怯
不識分有心占陽春鸞鶴日已踈燕雀日已親小物無
大志安測棲松筠恩眷多棄故物情尚逐新瓦礫暫拂
拭光掩連城珍屑吻恣談鑠黃金同灰塵蘇秦北遊趙
張祿西入秦既變嫂叔節仍擯華陽君萬世金石交一
餉如浮雲骨肉且不顧何況長羈貧

君莫以富貴輕忽他年少聽我暫話會稽朱太守正受
凍餓時索得人家貴傲婦讀書書史未潤身負薪辛苦

胙生肘謂言琴與瑟糟糠結長久不分殺人羽翮成臨

臨冲天婦嫌醜

陝

其奈一朝大守振羽

儀鄉關書行衣錦衣哀哉舊婦何眉目新墻隨行向天
哭寸心金石徒爾為杯水庭沙空自覆乃知愚婦人妒
忌陰毒心唯救眼底事不思日月深等閒取羞死豈如
甘布衾

雜興

意智未成百不解見人富貴亦心愛等閒對酒呼三達

屠羊殺牛皆自在放心為樂笙歌攢壯氣激作風霜寒
厨中玉饌盈金盤方丈厭見嫌不餐飛鷹躍馬實快性
屑腐齒爛空嶺岼豈期福極翻成禍禍成身誅家亦破
昨朝惆悵不如君今日悲君不如我否泰交加無定主
懶學風雲戢翎羽綠酒清琴好養生出將入相無心取
三五圖書舊揣摩五千道德新規矩

酬徐公以新文見招

昨夜霜月明果有清音生便欲走相和愁聞寒玉聲

門箴

貪殘奸醜狡佞訐懷身之八殺背惠恃己狎不肖妬賢
能命之四孽有是有此予敢辭無是無此予之師一日
不見予心思其人懼其人其交其難敢告于門

孟夫子生生亭賦

玉川子沿孟冬之寒流兮輟權上登生生亭夫子何之
兮面逐雲沒兮南行百川注海而心不寫兮落日千里
凝寒精予日衰期人生之世斯已矣爰為今日猶猶岐

路之心生悲夫南國風濤魚龍畜伏予小子戇朴必不能濟夫子欲嗟自慙承夫子而不失予兮傳古道甚分明予且廣孤目遐賚一作賞于天壤兮庶得外盡萬物變化之幽情然後慙愧而來歸兮大息吾躬于夫子之亭

御定全唐詩卷三百八十八

欽定四庫全書

御定全唐詩卷三百八十九

盧仝

走筆追王內丘

自識夫子面便獲夫子心
夫子一啓顏義重千黃金
平原益嘗骨已土始有夫子堪
知音忽然夫子不語帶蓆帽
騎驢去余對醪醕不能斟
君且來余之瞻望心悠哉
零雨其濛愁不散閒花寂寂
斑堦苔苔不如對此景含笑

傾金壘莫問四肢暢暫取眉頭開弦琴待夫子夫子來
不來

思君吟寄

生題缺
二字

我思君兮河之壖我為河中之泉君為河中之青天
青青泉泠泠泉含青天隔泉我思君兮心亦然心亦
然此心復在天之側我心為風兮淅淅君身為雲兮
羃羃此風引此雲兮雲不來此風此雲兮何悠哉與我
身
心雙裴回

將歸山招水僧

第七句
缺一字

買得一片田濟源花洞前千里石壁圻一條流泌泉青

松盤樛枝森森上插青冥天枝上有

猿宿

一本有字
下不空宿

字下重
一宿字

處近鶴巢清唳孤吟聲相交月輪下射空洞響

絲篔成韻風蕭蕭我心塵外心愛此塵外物欲結塵外

交苦無塵外骨泌

一本缺
此字

泉有冰公心靜見真佛可結

塵外交占此松與月

訓願公雪中見寄

積雪三十日車馬路不通貧病交親絕想憶唯願公春
鳩報春歸苦寒生暗風簷乳墮懸玉日脚浮輕紅梅柳
意却活園圃冰始融更候四體好方可到寺中

苦雪寄退之

第二十五
句缺一字

天王二月行時令白銀作雪漫天涯山人門前徧受賜
平地一尺白玉沙雲顏月壞桂英下鶴毛風剪亂參差
山人屋中凍欲死千樹萬樹飛春花菜頭出土膠入地
山莊取粟埋却車冷絮刀生削峭骨冷蘆斧破慰老牙

病妻烟眼淚滴滴飢嬰哭乳聲
嗷嗷市頭博米不用物
酒店買酒不肖賒聞道西風弄
劔戟長堦殺人如亂麻
天眼高開欺草芽我死未肖興
歎嗟但恨口中無酒氣
劉伶見我相揶揄清風攪腸筋
力絕白灰壓屋梁柱斜
聖明有道 命漢可得再見朝日
耶紫門沒脛晝不埽
黃昏遶樹棲寒鴉唯有河南韓
縣令時時醉飽過貧家

寄贈含曦上人

第三十三句十
九句各缺一字

楞伽大師兄誇曦識道理破鏢
推玄關高辯果難揣論

語老莊易搜索通神鬼起信中百門敲骨得佛髓此外
雜經律泛讀一萬紙高殿排名僧執卷坐纍纍化物自
一心三教齊發起隨鐘嚼空商滿口文字美商賈女郎
輩不曾道生死縱遭彊禮拜雅語不露齒劈破天地來
節義可屈指季展即此僧孤立無依倚近來愛作詩新
奇頗煩委一作猥忽忽造古格削盡俗綺靡假如慵裏頭
但勤讀書史切磋併工夫休遠不可比憐僧無遠信
佛殊未已貌古饒風情清論興疊疊訪余十數度相去

三五里見時心亦喜不見心亦喜見時談譁樂四座盡
角嘴不見養天和無人聒人耳昨朝披雪來面色赤韉
韉封竈養黃金許割方寸七泥丸佛 教怛化莊亦耻
未達不敢嘗孔子疑季子藥成必分余余必投泥裏不
如向陽堂撥醅泛浮蟻麴米本無憊酒成是法水行道
不見心毀譽徒云爾雪晴天氣和日光弄梅李春鳥嬌
關關春風醉旒旒道上正無塵人家有花卉高僧有拄
杖願得數觀止

聽蕭君姬人彈琴

彈琴人似膝上琴聽琴人似匣中弦二物各一處音韻
何由傳無風質氣兩相感萬般悲意方纏綿初時天山
之外飛白雪漸漸萬丈澗底生流泉風梅花落輕揚揚
十指乾淨聲涓涓昭君可惜嫁單于沙場一本缺不遠
此二字

只眼前蔡琰薄命沒胡虜烏梟啾唧啼胡天關山險隔
一萬里顏色錯漠生風烟形魄散逐五音盡雙蛾結草
空嬋娟中腹苦恨杳不極新心愁絕難復傳金尊湛湛

夜沈沈餘音疊發清聯綿主人醉盈有得色座客向隅
增內然孔子怪責顏回瑟野夫何事蕭君筵拂衣屢命
請中廢月照書窗歸獨眠

蜻蜓歌

自注黃河中蜻蜓
其力小犯險無溺

黃河中流日影斜水天一色無津涯處處驚波噴流飛
雪花篙工櫂師力且武進寸退尺莫能度吾甚懼念汝
小蟲子造化借羽翼隨風戲中流翩然有餘力吾不如
汝無他無羽翼吾若有羽翼則上叩天關為聖君請賢

臣布惠化于人間然後東飛浴東溟吸日精撼若木之
英紛而零使地上學仙之子得而食之皆長生不學汝
無端小蟲子葉葉水上無一事忽遭風雨水中死

出山作

出山忘掩山門路釣竿插在枯桑樹當時只有鳥窺窬
更亦無人得知處家僮若失釣魚竿定是猿猴把將去

寄崔柳州

使者立取書疊紙生百憂使君若不信他時看白頭三

百六十州剋情唯柳州柳州蠻天末鄙夫嵩之幽花落
隴水頭各自東西流凜凜長相逐為謝池上鷗

贈稚禪師

春風滿禪院師獨坐南軒萬花見中盡始覺靜性尊我
來契平生目擊道自存與師不動遊遊此無迹門

送好約法師歸江南

杯度度一身法度度萬民為報江南三二日這回應見
雪中人

蕭二十二赴歙州婚期二首

淮上客情殊冷落，蠻方春早客何如。
相思莫道無來使，

迴雁峯前好寄書

南方山水生時興，教有新詩得寄書。
一作長安迢

遑急多應不逐使，君書

掩關銘

蛇毒毒有形，藥毒毒有名。
人毒毒在心，對面如弟兄。
美言不可聽，深於千丈坑。
不如掩關坐，幽鳥時一聲。

逢病軍人

行多有病住無糧萬里還鄉未到鄉
蓬鬢哀吟古城下
不堪秋氣入金瘡


山中

飢拾松花渴飲泉偶從山後到山前
陽坡軟草厚如織
困與麕麕相伴眠

除夜

衰殘歸未遂寂寞此宵情
舊國餘千里新年隔數更
寒

猶近北峭風漸向東生惟見長安陌晨鐘度火城
殷勤惜此夜此夜在逡巡燭盡年還別雞鳴老更新
聲方去病酒色已迎春明日持杯處誰為最後人



御定全唐詩卷三百八十九